

# Cynnal a Gwella'r ysgolion Gwasanaeth Addysg a Dysgu Gydol Oes



MAWRTH 07



## Cyflwyniad— Steve Lamb, Cyfarwyddwr Gwasanaeth Cynnal a Gwella'r Ysgolion

Yn y cylchlythyr yma, hoffem ni groesawu Esther Thomas, Pennaeth newydd Gwasanaeth Materion Prif Ffrwd. Mae Ceirion Williams wedi bod yn llenwi'r swydd dros dro ers i Barbara Brown drosgwyddo i Wasanaethau i Blant ac mae e wedi gwneud swydd ardderchog. Mae e wedi mynd yn ôl i ailgydio yn ei swydd bwysig yng Ngwasanaeth Cynnal Ymddygiad. Ar yr un pryd hoffem ni ddiolch i Peter Thomas am ei waith da yn arwain Carfan Cynnal Ymddygiad dros gyfnod dros dro. Gan fod Carfan Prif Ffrwd yn llawn nawr, mae modd inni ddisgwyl rhagor o lwyddiannau oddi wrth y gwasanaeth yma sy wedi ennill clod am ei waith.

## Anghenion Addysg Arbennig

### Gweithdai drama i hyrwyddo'r celfyddydau ymhlith Plant

Mae gweithdai drama wedi'u cynllunio ar gyfer pobl sydd â nam ar eu golwg wedi cael eu cynnal yn Rhondda Cynon Taf.

Cwmni *UCAN productions* a gyflwynodd y prosiect. Cafodd y cwmni cydweithredol yma, sydd ddim yn gwneud elw, ei sefydlu er mwyn gofalu bod pobl ifainc a chyda nhw nam ar eu golwg yn cael y cyfle i fanteisio ar y celfyddydau. Cyngor Gweithredu Gwirfoddol Cymru a Chronfa Gymdeithasol Ewrop sy'n noddi'r prosiect.

Roedd gweithdai yn Ysgol Gyfun Tonyrefail, Ysgol Gyfun Blaen-gwawr ac yn y *Little Theatre* yn Aberdâr.

Mynychodd pobl ifainc a chyda nhw nam ar eu golwg a'u ffrindiau y gweithdai rhwng mis Ionawr a mis Mawrth. Ar ôl y gweithdai, perfformiodd y disgyblion mewn achlysur arbennig yn Theatr y Colisëwm yn Aberdâr ar 10<sup>ed</sup> Mawrth.

Sefydlodd Bernard Latham a'i wraig Jane *UCAN productions*. Mae Bernard wedi actio yn 'Hollyoaks' a 'Pobol y Cwm'.

Mae Cyngor Celfyddydau Cymru yn rhoi tua £5000 o Gronfa Lotri i *UCAN*. Mae *UCAN* wedi derbyn 'Gwobr Hyrwyddwr Plant' Lotri Genedlaethol yn ddiweddar.

***I gael rhagor o wybodaeth am y gwmni UCAN productions a'i waith gyda phobl ifainc, galwch heibio i'w wefan [www.ucanproductions.org](http://www.ucanproductions.org)***

## Seminar Cynllun Braenaru (Pathfinder) ar gyfer pobl ôl-16

Cafodd seminar a oedd yn dathlu cynnydd y consortiwm a phwysleisio'i heriau am y dyfodol ei gynnal yn swyddfa ESIS ar 5ed Mawrth. Atebodd panel, gan gynnwys Mike Keating, y Cynghorydd Mike Forey, Jan Knight - Pennaeth Coleg Morgannwg a Jane Timmins o Lywodraeth y Cynulliad, gwestiynau yn ystod y bore er mwyn blaenoriaethu camau gweithredu ar gyfer 2007 ymlaen.

## Cyfnod Arbrol Dysgu Rhithwir

Mae 9 ysgol wedi bod yn paratoi adnoddau dysgu rhithwir ôl-16 oed ar y cyd â Choleg Morgannwg i'w rhannu gyda phob ysgol gynradd. Byddan nhw ar gael ar wefan *ADR Simply Click*. Mae pynciau'n cynnwys Ffiseg, Bioleg, Hanes, Busnes, Peirianeg, Electroneg a Thrin gwallt. Bydd seminar yn y Brifysgol, fore Mawrth 27<sup>ain</sup> Mawrth 2007 i roi sylw i'r gwaith yma.

## Cynadleddau ac Achlysuron

Seminar Datblygu Proffesiynol (wedi'i ail-drefnu) **dydd Mawrth 27ain Mawrth**  
*Inside Out, Outside In* (y Blynnydoedd Cynnar) **dydd Mercher 28ain Mawrth**  
Cynhadledd Ysgolion yn eu Cymuned **dydd Iau 29ain Mawrth**

**Dolennau cyswllt:  
Carfanau Cynnal a  
Gwella'r Ysgolion:**

**Gwella'r Ysgolion  
01443 744035/6  
(Cynradd ac Uwchradd)**

**Materion Prif Ffrwd  
01443 744015**

**ESIS  
01443 827500**

**Sort Orau  
01443 744386**

**Llywodraethu a  
Chysylltiadau  
01443 744180**

**Gwasanaeth Cerdd  
01443 744017**

## Cylch Gwella'r Ysgolion: Cynrychiolwyr y Penaethiaid

Gill Coleman –  
Ysgol Gynradd Dinas Isaf  
Lisa Bailey –  
Ysgol G Trerobart  
Andrew Manley –  
Ysgol G Hirwaun  
Marian Roberts –  
Ysgol GG Bodringallt  
Pat O'Malley –  
Ysgol G Parc-y-Darren  
David Davies –  
Ysgol G y Cefn  
Gareth Evans—Y G Y Dolau  
Philippa Thomas— Y Comin  
Carol Parker— Y B Cwmaman  
Ann Morris – Ysgol Gynradd  
Llanhari  
Elaine Keeble – Tonyrefail  
David Murphy –  
Ysgol Ioan Fedyddiwr  
Rosemary Ripley –  
Bryncelynnog  
Stephan Parry – Tonypandy  
Ian Machin –  
Ysgol Aberdâr y Bechgyn

## Gwasanaeth Cerdd Rhondda Cynon Taf

Rydyn ni wedi dechrau cynllunio am drydedd ŵyl Gerdd Ysgolion Rhondda Cynon Taf flynyddol. Bydd yr ŵyl yn para tridiau, yn dechrau 11<sup>eg</sup> Mehefin, a bydd hi'n cael ei chynnal yn y Colisêwm yn Aberdâr. Mae'r ddau achlysur blaenorol yn theatr y Parc a'r Dâr yn Nhreforci wedi bod yn llwyddiannus dros ben. Dydy'r ŵyl ddim yn gystadleuaeth ond yn hytrach mae'n ddathliad o Gerdd a Dawns Ysgolion Cynradd. Fodd bynnag, bydd yr ysgolion yn derbyn adborth.

Yn y gorffennol mae perfformiadau wedi cynnwys; recorders, grwpiau o offerynwyr, dosbarthiadau yn canu gyda'u gilydd, corau, sioeau cerdd byr, perfformiadau gydag offerynnau taro yn yr ystafell ddosbarth, telynau, drymiau o'r Affrig, clychau llaw a dawns draddodiadol a chreadigol.

Mae croeso i bawb gymryd rhan beth bynnag eu safon. Mae'r ŵyl yn rhoi cyfle gwych i ddisgyblion i berfformio y tu allan i'r ysgol a mwynhau doniau a chyraeddiadau pobl eraill.

Yn y gorffennol, mae hyd at 25 o ysgolion cynradd wedi cymryd rhan. Oherwydd ein bod ni'n cynnal yr achlysur yng Nghwm Cynon eleni rydyn ni'n gobeithio y bydd ysgolion newydd, yn ogystal â'r rheiny sydd wedi cymryd rhan o'r blaen, yn cyfrannu.

Rydyn ni wedi anfon gwybodaeth i bob Ysgol Gynradd. Os dydych chi ddim wedi derbyn y ffurflen gais cysylltwch â Rachel Kilby.

Mae Cymdeithas Gerdd yr ysgolion wedi cynnal *Cathedrals Music Festival* am 2 flynedd. Bydd yr ŵyl yn cael ei chynnal yn Eglwys Cadeiriol Caerwrangon a Llandaf. Trwy ffurfio côr mawr mae'r ŵyl yn dathlu cerddoriaeth yr ysgolion cynradd. Mae croeso i ysgolion ledled Cymru gymryd rhan yn yr ŵyl yn Eglwys Gadeiriol Llandaf ar 26ain Mehefin. Mae ysgolion RhCT sy'n cymryd rhan yn cynnwys Ysgol Gynradd Aberdâr yr Eglwys yng Nghymru; Caegarw; y Darren-las; Gwaunmeisgyn; y Ddraenen-wen a Llanilltud Faerdref.

**Rachel Kilby - Gwasanaeth Cerdd ar 01443 744017.**

## Gwasanaeth Cynnal Ymddygiad

Llongyfarchiadau i Catherine Huntley, Athrawes Cynnal Ymddygiad yng nghylch Taf-Elái sydd newydd gael ei thystysgrif Ôl-raddedig am ei gwaith 'Understanding and Supporting Children with Social, Emotional and Behavioural Difficulties'. Bwsariaeth Cyngor Addysgu Cyffredinol Cymru sy wedi talu am astudiaethau Catherine.

Cafodd Karen Williams, sy'n dysgu pobl sydd ag anawsterau cymdeithasol, emosiynol ac ymddygiad yn Ysgol Gynradd Pen-y-waun, ei henwebu ar gyfer gwobr 'Athrawes Orau' Valleys Radio. Derbyniodd Karen ei gwobr yng Ngwesty Maes Manor. Mae hi'n haeddu'i gwobr yn fawr iawn

*Eleanor Aubrey  
Uwch Gydlynnydd Gweithredol*



**SYLWEDDAU A'R FFEITHIAU (SAFF)  
Galwch heibio i [www.getsortedwales.co](http://www.getsortedwales.co)**

### Gwaith gwrth-fwlio RhCT

Mae bwlio yn fater pwysig sy'n effeithio ar fywydau llawer o bobl ifainc. Mae'r cyfryngau wedi rhoi llawer o sylw iddo yn ddiweddar.

Mae cael eich bwlio yn brofiad ofnadwy. Mae'n effeithio ar iechyd meddwl a lles plentyn neu berson ifanc gydag effeithiau andwyol dros y tymor hir, yn dal gyda phobl a hwythau'n oedolion. Ymhlith yr effeithiau gallai fod: diffyg hunan-barch a hyder; datblygiad emosiynol gwael a phroblemau iechyd y meddwl; cyflawniad a chyraeddiadau academaidd gwael; camddefnyddio sylweddau maes o law.

Mae bwlio yn thema trawsbynciol yn Rhondda Cynon Taf ac mae'n gwireddu blaenoriaethau allweddol sawl cynllun strategol. Er mwyn mynd i'r afael â'r mater yma'n effeithiol, comisiynodd yr AALI Garfan Sort Orau. Amcan y garfan yw paratoi adroddiad ymgynghori am farn a sylwadau pobl RhCT ynglŷn â mater bwlio.

Yn ôl y dystiolaeth yn yr adroddiad, er bod cryn dipyn o waith yn cael ei gynnal yn yr ysgolion a gwasanaeth ieuencid o ran mynd i'r afael â materion bwlio, a llawer o enghreifftiau o arferion

arloesol, sy'n dod â phobl yn rhan o bethau, mae nifer o anghenion ynghylch datblygu hefyd.

Yn ystod Wythnos Genedlaethol Ymwybyddiaeth o Faterion Bwlio ym mis Tachwedd 2006, cynhaliodd yr AALI gynhadledd i hyrwyddo enghreifftiau o arfer dda a'r gwasanaethau a'r adnoddau sydd ar gael.

Penododd yr AALI Swyddog Gwrth Fwlio dros dro yn ogystal. Bydd hi'n mynd i'r afael ag argymhellion yr adroddiad ac hyrwyddo arweiniad Llywodraeth Cynulliad Cymru. Bydd hi'n rhoi cymorth i ddiweddarau polisïau sy'n bodloni'r safonau gofynnol. Mae cyfeirlyfr o wasanaethau ac adnoddau wedi cael ei baratoi ac mae e wedi cael ei ddsbarthu ymhlith ysgolion. Mae Datganiad o Bolisi Gwrth-Fwlio wedi cael ei baratoi a'i gyflwyno yng nghyfarfodydd y Clystyrau.

Bydd gwaithdy yn cael ei gynnal 20 Mawrth 2007 er mwyn mynd â'r gwaith yma yn ei flaen. Y bwriad ydy datblygu Strategaeth Wrth-fwlio aml-asiantaeth ar gyfer RhCT a fydd yn pennu'r ffyrdd i'r AALI weithio ar y cyd â phobl eraill er mwyn mynd i'r afael â'r mater yma'n effeithiol.

*Jayne Jones*